



4. juuli 2022

Inatsisartut suleriaasianni § 37 imm. 1 naapertorlugu Naalackersuisunut apeqquteqaat imaattoq matumuuna saqqummiuppara.

Naalackersuisunut apeqquteqaatit:

- 1. Uumatitsiviit nunatta kitaani ingerlanneqartut aalisakkanik toqusoofiusarnerat naalackersuisut qanoq iliuuseqarfiginiarpaat?**
 - a. Naalackersuisut iliuuseqarniarunik suleriuseq qanoq ittoq atorlugu aaqqiissuteqarniarpat?**
- 2. Aalisartut uumatitsivinnik ingerlatsinerat Royal Greenlandip piumasaqarnera tunngavigalugu ingerlavoq, suliffeqarfissuullu angummassinnaannginnera pissutigalugu aalisakkanik maangaannartitsinerujussuaq takornartaajunnaarpoq, aalisartullu aasakkt isertitaqarniarneranut annertuumik innarliivoq. Pineqartumut Naalackersuisut qanoq aaqqiissuteqarniarlutik suliffeqarfissuarmut piumasaqaasersuiniarlutik pilersaaruteqarpat?**
- 3. Ajornartorsiut ukiut tamaasa takkuttartoq anigorniarlugu, pingaartumik sinerissap qanittuani aalisartut suliffissuaqarfiullu akornanni paaseqatigiinnissaq aaqqiissuteqarnissarlu siunertaralugu, Naalackersuisup isumasioqatigiissitsinermik ingerlatsissamaarpat?**
 - a. Taamaappat tamanna qaqugu pisussatut takorloorneqarpa?**

(Inatsisartunut ilaasortaq Aslak W. Jensen, Siumut)

Tunngavilersuut:

Aalisakkanik uumatitsiviit ukiut tamaasa, tunitsiviit angummassinnaannginnerat pissutigalugu, aalisakkani tonserpassuarnik maangaannartitsiviusarput, naak uumatitsivinnik ingerlatsineq Royal Greenlandip nammineq aalisartunut piumasaqaasersuisimaneranik ingerlanneqaraluartoq.



Tamanna sinerissap qanittuani aalisartut inuussutissarsiorneranut annertuumik innarliivoq, minnerunngitsumik piujuaannartitsinissaq atasinnaasumillu aalisarnissaq eqqarsaatigalugit pissutsit illersorneqarsinnaanngitsutut inissisimasorinarput.

Apeqquteqaasiorsimavunga kissaatigigakku, suliffissuaq inuiaqatigiit pigisaat, sinerissap qanittuani aalisartunut piumasaqaasersuissaguni, tamakku piviusunngortitsisinnaassuseqarnermik tunngaveqartariaqartut. Isumaqarpungattaq pissutsit sinerissap qanittuani aalisartunut annertuumik inuussutissarsiorneranut akornusersuiinnaratik, nunattattaq aningaasarsiorneranut annertuumik iluaqutaanngitsuliorfiusut.

Apeqqutigineqartut ullut suliffiusut qulit iluanni akeqquneqarput.